



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri Danielis Huetii Demonstratio Evangelica**

**Huet, Pierre Daniel**

**Parisiis, 1679**

III. Probatur argumentis.

**urn:nbn:de:hbz:466:1-16260**

de lingua Ebraicæ origine aliter existimem, ac vulgo existimatur. Sic enim sentio, non *Ebraica, ea non est, que ante Babelicam confusione nomen vulgo usurpabatur.* Gen. 11. 1. Theodor. In terr. 61. in Quest. *xvii et xviii, xviii et xxviii de Ezequiel. Nihil officit pietatis rationibus, sive hoc, sive illud recipiamus.* Cum igitur Chaldaea patria profectus Abraham in Chananæam veniſcit, linguam regionis illius perdiicit, & linguas hujus characteres scribendo usurpat: quod faciunt, qui in externa regione sedem figunt. Bilinguis itaque fuit Abraham, Chaldaicæ nimirum lingua, quam ad Babelem ex confusione quoque natam puto, & Chananæ peritus. At ejus posteri una Chananæa, ut pote vernacula contenti, aliam neglexerunt. Ebraica vero dicta est, quoniam ab Ebrais usurpabatur. Qui postquam Babylonem captivi abduci sunt, tum vero ex Chaldaeorum, inter quos disperſi erant, commercio, patriam inquinarunt loquelas: & ex Chaldaicæ ac Ebraicæ confusione tertia prodiit lingua, quæ Syriaca dicta est, quaque Christus & Apostoli usi sunt.

III. Cur autem de Ebraicæ lingua antiquitate ac dignitate tantum detrahamus, *Probatur argumentis.* causas has habeo. Constat primum inter eruditos, nihil aut certe parum Chananæam inter & Ebraicam linguam, hoc est linguam inter Phoenicum & Israëlitarum interfusile, fallique Origenem, cum à Phœnicia lingua Ebraicam differre autem: nisi fortasse differentiam interesset quidem, at exiguum & levem intellexerit. *Lingua Chanania, ait Hieronymus, inter Egyptiam & Ebream media est, & Ebrae magna ex parte confinis.* Liquido patet id ex nominibus locorum & gentium, quas illuc advenientes Ebræi repererunt: Ebraica siquidem ea plane sunt. Ut reliqua pretermittam argumenta, quibus hoc ab aliis jam satis superque probatum est. Nam quid opus est argumentis & disputationibus, cum dubitationem omnem prædicat Isaías: *In die illa, inquit, erunt quinque civitates in terra Egypti, loquentes lingua Chanaan, & iurantes per Dominum exercitum.* Lingua Chananæa hic Ebraicam significare consentiunt Interpretes universi. Ergo, juxta Isaiam, lingua Chananæa Ebraica ipsa lingua est. At ab Assyria sive Chaldaica discrepasse Ebraeam multa probant: velut notatio illa Mosis, qua *Acerum testimonian à Labane & Jacobo erectum, ab illo quidem vocatum significat נור שחרותה, Iegar Sahadutha;* ab hoc autem *גָּלְאַד, Galaad.* Et tamen Laban ille erat de stirpe Semi, & Jacobi consanguineus. Rabsacen præterea Assyrium Ebraice Ebraeos alloquente rogan horum primores, ut se alloquatur Assyria lingua, ne à populo intelligatur. Jeremias quoque Ebraeis exitium impendere à Chaldaicis vaticinans: *Ecce ego, inquit, adducam super vos gentem de longinquæ, domus Israël, ait Dominus; gentem robustam, gentem antiquam, gentem cujus ignorabis lingua, nec intelliges quid loqueretur.* De eadem gente ait Isaías: *In loquela labii, & lingua altera loquetur ad populum ipsum.* Item Baruch: *Adduxit enim super illos gentem de longinquæ, gentem improbam, & alterius lingue.* Pueros etiam Ebraeos jubet Nabuchodonosor instrui literis & lingua Chaldaeorum. Tum verba illa, Mane, Thækel, Phares, Ebraice descripta, neque legere potuit Chaldeus ullus, neque intelligere: Daniel vero facile perlegit. Non quod alio ordine dispositæ literæ essent, quam quo solebant collocari, uti somniavat Abrabaniel, sed quod multum different Ebraica lingua & Chaldaica. Plurima Chaldaicæ scriptæ extant à Daniele & ab Eldra, quæ loquelas hujus ac Ebraicæ discrepantiam patefaciunt. Denique discrimen literarum utriusque gentis, Ebraeæ & Assyræ, linguarum quoque discrimen ostendit. Literas antiquas Ebraicas intelligo, quæ Samariticæ vulgo appellantur, & ante captivitatem Babyloniam in Ebraea gente vulgares fuerunt. Ex his efficitur, vel linguam sanctam in familia Semi & Eberi puram & integrum non perseverasse; vel linguam Ebraicam, sanctam illam & primigeniam non esse. Efficitur quoque necesse habuisse Abrahamum, cum venit in Chananæam, popularem gentis hujus linguam condiscere, à patria lingua sua Chaldaica discrepantem. Unde Hieronymus, *Nisi forte, inquit, iuxta quorundam opinionem duas Abraham linguas & Ebraeorum & Chaldeorum scisse dicamus.* Atque hinc factum puto ut Ebraicæ linguæ inventor Abrahamus à nonnullis creditus sit; quia nempe linguam hanc primus posteris suis tradidit, cum aliam à majoribus accepisset. Hinc factum quoque ut lingua hæc dicta sit Ebraica; ab Abrahamo nimirum, qui à transmissio Euphrate dictus est *רִבְעֵי, meglîm,* (quemadmodum & Niger Idumæa rector, ut docet Josephus, quod genus ex regione Transjordanensi duceret: ) non vero lingua Joseph. de bell.

## PROPOSITIO IV.

136

Adami, vel Sethi, vel Semi appellata est, ita ut debuisse appellari, si Adamum; vel Sethum, vel Semum auctorem habuisset. Factum hinc quoque dicerem, post Iosephum & Eusebium, ut scripsent Chorillus Poëta, Solymos, hoc est ut ipsi interpretantur Judæos Hierosolymitanos, Phœnicio sermone loqui;

*γένετα μηδεποτε γένος σωγένες είρηται,*  
non vero Phœnices Judæo; nisi doce & solerter demonstrasset Cunæus, & post eum Bochartus, Pisidas Chorilum, non Judæos notasse. Quod autem opinatur Iosephus Scaliger, quem proxime affectatur Johannes Seldenus, ex Assyria lingua Chanæam manasse per colonias illinc in Phœniciam deducetas; atque Assyriam demum linguam, propter frequentem aliarum gentium usum & commercia crebra negotiatorum, pristinam integratatem amisisse, quum Chanæzi interea incorruptum linguae Aliynæ mitorem retinerent, raro ad eos commeantibus peregrinis; id sane gratis dicitur, nec ullo argumento vel cuiusquam auctoritate firmatur: neque sane probabile est. Præterea si ante Abrahamum jam adulteratam fuisse dicas Assyriam linguam, quod dixit Scaliger, neutiquam constabit ratio: nam à linguarum confusione ad Abrahami ortum, vix sequaculum numeres, juxta receptissimam sententiam: quo spatio quis tantam mutationem illatam credat, quanta fuit? Sin post Abrahami profectionem in Chanæam evenisse hoc dicas, ut dixit Elias Levita, hæredit idem aqua; nam ab exitu Abrahami ex Haran, ad Jacobi dilæctum ex eodem loco à Labane, non toti ducenti effluxerunt anni; quo intervallo tantam corruptelam pati non potuit Assyria lingua, quicquid opponat Seldenus, quantam fuisse necesse est, ut *Aceruum testimonii* tam diversis nominibus appellarent Jacob & Laban. Gratis quoque & sine auctore pronuntiant ali, Semum aut Eberum Babelicæ conspirationis participem non fuisse, atque hanc propterea à Deo mercedem tulisse, sanctæ ac primæ lingue sibi, posterisque retinenda prærogativam. Nam si id fuit pietatis præmium, cur Judæi post Babyloniam captivitatem, cur Christus ipse demum & Apostoli eo fraudati sunt, cum eo interea Samaritani impii & perduelles fruerentur? cur ipse Esdras, vir sanctus, & Judaicæ religionis consultissimus, priscis ac sanctis characteribus repudiatis, novos & profanos ascivit? Egregiam vero mercedem; quam Chanæzi, gens detestabilis & à Noacho execrationibus devota, perinde ut Semi posteri confecuti sunt. Respondent Adversarii factum id, non in Chanæorum, sed in Abrahami posterorumque ejus gratiam, quo minori negotio inter Chanæos conversari & peregrinari posset. Quorum ergo nec in Ægyptum lingua illa transmisæ est, quo Abrahame quoque, ac deinde Jacob cum filiis, & tota Israëlitarum gens tot annos mansura erat? Quorsum Babylone contaminata est, ut volunt, quo dispergendi erant Judæi Chaldaicæ linguae plane incisi?

IV. His animadversis facile discutuntur argumenta Adversariorum, Ebraicæ esse aiunt originis nomina propria hominum & locorum, quorum ante gentium *דָּגָרָא* meminit Moses, proindeque receptam tum & vulgatam fuisse Ebraicam linguam. Respondet Grotius nomina illa Ebraico sermone à Mose esse expressa, Ebraeorum gratia, in eundem significatum, quem in primâ lingua obtinuerant: cuius mutationis exempla affert compluria, velut illa è Curtio, milites quosdam à Persis vocatos esse Immortales; Chiliarochos vero, eos qui mille militibus praefuerint: quas voces alter exulisse Persas haud dubium est; Clupeam præterea appellasse Latinos, quæ Aſpis dicebatur; Pitheculam & Ampelusiam Græcos appellasse, quæ Punica nomina habebant ejusdem notionis; & Græcos Scripturæ Interpretes nomina quædam Ebraica locorum Græce reddidisse. His addo Vulgati Scripturæ sanctæ Interpretis exemplum, qui istud exponens: *Hei vocabitur שִׁיר, quoniam סְמִינָה* sumta est: eamdem originem nominibus Latinis expressit: *Hei vocabitur Virago, quoniam de Viro sumta est.* Iaæcum, cuius nomen Ebraice *רִשָּׁם* sonat, *χειρῶν* appellat Alexander Polyhistor. Esau, cui & Edom, hoc est Rufo nomen fuit, Erythras à Græcis dictus est. Og, qui fuit rex Bafan, & id nomen habuit ab unctione seu coctione, juxta nonnullos Græcis Typhon est appellatus; que dictio ejusdem est significationis. Qui Cephas à Christo nomen habuit, Petrus à Græcis est nuncupatus. *Πλάτων* Latinis nominatur Dis; Carthago, Græcis Cænopolis; Rhodos, Ophiusa. Picti vocati sunt à Romanis, qui Britanni à suis; eadem significatione, ut docuit Camdenus. Philonis subditæ Brevarium Ebraice reddens R. Azarias, Philonem appellat Jedidæum, quæ vox idem valet. Scribit Plato in Critia, Solonem in locum Ægyptiorum nominum Græca nomina in carminibus suis supponuisse. Omnem vero contradicendi ansam præcedit ipsum Mosis nomen, quod purum putum Ebraicum est; & tamen ex Ægypto ductum est, quod ipsi primum impositum fuit. Nemo enim, opinor, finger sibi Ægyptiam puelam, Pharaonis filiam, Ebraicæ, ut verisimiliimum est, ignaram linguæ, Ebraicum nomen

Elias in Pref. ad  
*בְּתַחֲנוֹנָן*

Seld. De Dls  
Syt. Proleg.  
cap. 1.

Refelluntur  
argumenta  
Adversario-  
rum.  
Primum ar-  
gumentum.  
Grot. in Gen.  
11. 16

Gen. 1. 23.

Alexand. Poly-  
hist. apud Euf.  
Præp. Evang.  
libr. 9.

Camd. in Bri-  
tann.